

ՁԵԿՈՒՑԱԳԻՐ

ՀՀ Արմավիրի մարզի Արագած համայնքի ղեկավարի հաշվետու
զեկույցը 2011 թվականի առաջին կիսամյակում համայնքում կատարված
աշխատանքների վերաբերյալ.

Հարգելի համագյուղացիներ, ավագանու անդամներ, Ձեզ եմ ներկայացնում համառոտ
տեղեկություններ Արագած համայնքի ղեկավարի և աշխատակազմի 2011 թվականի
առաջին կիսամյակում համայնքում կատարված աշխատանքների վերաբերյալ:
Նախ և առաջ ասեմ, որ Արագած համայնքը, համայնքի յուրաքանչյուր բնակիչ իրեն
առօրյա հոգսերով և խնդիրներով մշտապես գտնվում են գյուղապետարանի
և, մասնավորապես, իմ ուշադրության կենտրոնում:

Սկսեմ տարվա սկզբից.

Մեր համայնքի բնակչությունը ամբողջությամբ զբաղվում է գյուղատնտեսական
մշակաբույսերի մշակությամբ: Հետևաբար ծնունդ առնողները, համեմատական կարգով,
կարելի է ասել, որ հողի մշակի համար հանգստի շրջան էին:

Այդ ամիսներին ինձ համար կարևոր էր գյուղացիների ծնեռային հանգստի
կազմակերպման խնդիրը: Համայնքի կուլտուրայի տանը համայնքի միջոցներով
վերանորոգված և կահավորված խաղասենյակը գործում է ամբողջ տարին:

Մենք համապատասխան միջոցառումներ ձեռնարկեցինք և կարողացանք
ամբողջ ծնունդ ընթացքում տաքացնել խաղասենյակը՝ զազի վառարանով:
Խաղասենյակը դարձել է գյուղացիների ծնեռային հավաքատեղին:

Հավաքվում են, զրուցում, անցկացնում են իրենց ազատ ժամանակը, խաղում են
նարդի, շախմատ, դոմինո:

Հաշվետու ժամանակշրջանում մշտապես իմ ուշադրության կենտրոնում է եղել նաև բնակչության բժշկական սպասարկման խնդիրը: Ես հաճախակի եմ այցելել համայնքի բժշկական ամբուլատորիա և հետաքրքրվել բնակչության առողջական վիճակով:

Բուժսպասարկման մասին խոսելով՝ ասեմ, որ հաշվետու ժամանակահատվածում համայնքում ունեցել ենք 16 ծնունդ՝ 3 աղջիկ, 13 տղա:

Ձմռան ամիսներին մեզ հուզող հարցերից մեկն էլ այն էր, թե գարնանը մեր բնակիչները մոտավորապես քանի հեկտար և ինչ գյուղատնտեսական կուլտուրաներ են մշակելու: Գիտենալով, որ մեր բնակչությունը մասնագիտացել է հիմնականում կաղամբի տարբեր սորտերի և թարխունի մշակության գործում, և հետևելով ծեռք բերված սերմացուի և սածիլների մշակության աշխատանքներին, մենք գյուղապետարանի համապատասխան մասնագետների հետ մասնագիտական մոտավոր կանխատեսումներ արեցինք գարնանը գյուղում մշակվող գյուղատնտեսական կուլտուրաների հեկտարների վերաբերյալ:

Գարնանը մեր համայնքում մոտ 86 հեկտար տարածքի վրա սածիլվեց կաղամբի տարբեր սորտեր:

Խոսելով գյուղատնտեսական աշխատանքների մասին՝ ասեմ, որ վաղ գարնանը «ԽՈՅ» ջրօգտագործողների ընկերության աշխատակիցների հետ համատեղ մաքրել և վերանորոգել ենք գյուղի ներտնտեսային ոռոգման ցանցը: Գարնանային անձրևներից հետո վերանորոգել ենք դաշտամիջյան ճանապարհները:

Ուրախությամբ պետք է ասեմ, որ մեր համայնքում այս կիսամյանում արտադրվել է թարխունի, ելակի, կաղամբի և ջերմոցային պոմիդորի առատ բերք:

Նշեմ, որ առատ բերք ստանալու հետևանքով այս տարի թարխունի 1 կապի գինը համեմատած անցած տարիների էժան էր: Իսկ կաղամբի 1 կգ. – ի գինը համեմատած անցած տարվա այս ժամանակահատվածի հետ 200 դրամի փոխարեն այս տարի 15-20 դրամ է: Որոշ գյուղացիներ ովքեր սեփական փոխադրամիջոց չունեն նույնիսկ կաղամբի բերքն չհավաքեցին:

Գյուղ.մթերքների բերքահավաքի նախօրերին ես պայմանավորվածություն ձեռք բերեցի գյուղում բեռնատար ավտոմեքենա, ավտոբուս և այլ բեռնատար տրասպորտային միջոցներ ունեցող բնակիչների հետ, որպեսզի նրանք համենատարբար էժան գներով փոխադրեն նաև գյուղի մյուս բնակիչների բերքը, ովքեր տրանսպորտային միջոց չունեն: Ասեմ, որ կազմակերպչական աշխատանքների շնորհիվ գյուղում մինչ օրս բերքի փոխադրման խնդիր չկա:

Շարունակելով խոսքս՝ տեղեկացնեմ Ձեզ, որ մեր համայնքում գյուղատնտեսական աշխատանքները, սկսած վաղ գարնանային սածիլացման աշխատանքներից, մինչ օրս ընթանում են նորմալ բնականոն հունով, առանց որևիցե լուրջ պրոբլեմների, համապատասխան ժամկետներում՝ ըստ գյուղատնտեսական մշակաբույսերի:

Գյուղում գոյություն ունեցող գյուղատնտեսական տեխնիկան, գործիքները և մեխանիզմները ամբողջությամբ բավարարում են գյուղի հողերը մշակելու համար:

Մենք համապատասխան միջոցառումներ ենք ձեռնարկել, որպեսզի առանց խոչընդոտների և ժամանակին սկսենք և սեղմ ժամկետներում ավարտենք հացահատիկի հունձը:

Ես՝ որպես համայնքի ղեկավար, իմ ուշադրության կենտրոնում եմ պահում գյուղի դպրոցը, ուսուցչական կոլեկտիվը, իրենց առօրյա հոգսերով և խնդիրներով:

Հաճախակի եմ այցելում դպրոց և հետևում կրթական գործընթացին, մշտապես մասնակցում և իմ աջակցությունն եմ ցուցաբերում դպրոցում կազմակերպվող միջոցառումներին:

Կանանց միջազգային օրվա՝ մարտի 8-ի կապակցությամբ, թոշակառուներին տրվել են նվերներ:

Բանակի օրվա կապակցությամբ այս տարի նվերներ բաժանեցինք նաև համայնքի արական սեռին պատկանող թոշակառուներին : Մեր ուշադրության կենտրոնում են նաև զոհված ազատամարտիկների ընտանիքները, նրանք նույնպես ստացել են նվերներ և դրամական օգնություն:

Խոսելով դպրոցի և երեխաների մասին՝ ասեմ, որ զբաղվում են մեր երեխաների առողջության և ֆիզիկական պատրաստվածության խնդիրներով :

Հունիսի 10-ից, ի ուրախություն մեր երեխաների, մաքրեցինք և ջրով լցրեցինք գյուղի լողավազանը: Մշտապես ջուրը պահում ենք մաքուր վիճակում՝ պահպանելով սանիտարա-հիգիենիկ կանոնները: Լողավազանում գալիս են լողանալու նաև հարևան համայնքների երեխաները:

Տեղեկացնեմ Ձեզ նաև, որ համայնքի բյուջեի միջոցներով վարձատրվում է պարի ուսուցչուհին:

Շաբաթական 3 օր շուրջ 60 երեխա անվճար ստանում են մեր հայկական և ժամանակակից պարերի դասեր:

Այս կիսամյակում պարբերաբար փոխել ենք գյուղի կենտրոնական փողոցի գիշերային լուսավորության համակարգի փչացած լամպերը և անջատիչը:

Գարնան սկզբին մաքրել ենք կենտրոնական պողոտայի հարակից ոռոգման ներտնտեսային ցանցը: Բարեկարգել ենք կենտրոնական պողոտայի ծաղկանոցը, տնկել ենք բազմերանգ վարդեր և այլ ծաղիկներ:

Բարեկարգել ենք և պատշաճ տեսքի բերել Հայրենական Մեծ պատերազմի զոհերի հիշատակին կառուցված հուշարձան – կոթողի տարածքը:

Հաշվետու ժամանակաշրջանում 2 դույմ տրամաչափի խողովակներով գազատար ենք կառուցել N 14 փողոցում, ընդհանուր հաշվով 500 գծամետր:

Արդեն կարելի է ասել, որ գյուղի փողոցները գազաֆիկացված են 100 %-ով: Խոսելով գյուղում կատարված աշխատանքների մասին՝ ասեմ, որ այս կիսամյակում ձեր աչքի առաջ նույնպես աշխատանքներ ենք կատարել խմելու ջրի ներտնտեսային ցանցի վրա: Մեր աշխատանքները անարդյունք չեն, և Դուք դա նկատում եք:

200 գծամետր ջրագիծ ենք կառուցել մանկապարտեզի շենքը ջրով ապահովելու համար:

Գյուղն ապահովված է 24 ժամյա խմելու ջրով, տեղադրված են ջրաչափեր: Համայնքի սանիտարա - հիգիենիկ վիճակի մասին խոսելով՝ ասեմ, որ համայնքում աղբաթափության և սանմաքրման աշխատանքներն իրականացվում են գյուղապետարանի կողմից սահմանված համապատասխան գրաֆիկով: Խոսելով կատարված աշխատանքների և աշխատակազմի կատարած աշխատանքների մասին՝ շարունակեմ.

Գյուղապետարան դիմած ցանկացած բնակիչ ստացել է իրեն հուզող հարցի պատասխանը՝ «՝ օրենքներին համապատասխան:

Բնակիչներին ենք տրամադրել թվով 560 տարբեր բնույթի և բովանդակության տեղեկանքներ:

Որպես մարդ և հետո համայնքի ղեկավար, ես մշտապես հետաքրքրվում եմ մեր բնակչության սոցիալ - տնտեսական վիճակով: Ցավով եմ նշում, որ մեր համայնքում կան դեռևս սոցիալապես անապահով ընտանիքներ և գյուղապետարանը ուշադրության կենտրոնում է պահում այդ ընտանիքներին: Այս կիսամյակում օգնություն է տրամադրվել սոցիալապես անապահով ընտանիքներին, գումար է տրամադրվել նաև ԴՈՍԱՖ ավտոդպրոցի ուսանողներին՝ որպես ճանապարհածախս:

Գյուղում մահացածների ընտանիքներին դրամական օգնություն է ցուցաբերվում: Ավագանու որոշմամբ այս տարվա սկզբից նախատեսվել է յուրաքանչյուր մահացածի ընտանիքին համայնքի բյուջեից տրամադրել 60,0 հազարական դրամ:

Վերջում խոսեմ համայնքի հողի հարկի, գույքահարկի, տեղական վճարների հավաքագրման և բյուջեի կատարման ընթացքի մասին:

Ասեմ, որ այս տարի, համեմատած նախորդ տարիների հետ, հարկային գումարների հավաքագրումը կատարվում է դժվարությամբ և ցածր տոկոս է կազմում: Մեր գյուղացիները թող չմտածեն, որ այս գումարները չեն հավաքագրվելու: Ես ուղակի խնդրում եմ, որ մեր գյուղացիները գիտակցաբար մոտենան այդ հարցին, գուր տեղը իրենց հաշվին պարտքերը չկուտակեն և կատարեն իրենց հարկային պարտավորությունները:

Հաշվետու ժամանակաշրջանում բյուջեի կատարումը այս մասով կազմում է՝

	Պլանային	Փաստացի	Տոկոսային
Նորի հարկի հավաքագրում	6100,0	3346,2	54,9%
Գույքահարկ փոխադրամիջոցներից	720,0	315,6	44%
Գույքահարկ շնք շինություններից	500,0	112,4	22,5%
Տեղական տուրքեր	75,0	14,9	19,8%
Նորի հարկի վարձակալական վճար	60,0	60,0	100%
Բյուջեի համահարթեցման դոտացիա	15276,2	15276,2	100%
Անասնաբուժական ծառայություն	600,0	300,0	0
Տեղական վճարներ	70,0	39,9	57%

Ծախսային մասով

	Պլանային	Փաստացի
Աշխատավարձ	10596,0	9088,1
Սոցիալական վճարներ	2100,0	1666,9
Էներգիայի և գազի ծառայություն	800,0	757,2
Կապի ծառայություն	300,0	203,0
Մասնագիտական	220,0	35,0
Տեղեկատվական ծառայություն	300,0	180,0
Ընդհանուր բնույթի այլ	1000,0	419,0
Տրանսպորտային նյութեր	500,0	400,0

Նատուկ նպատակային այլ նյութեր	200,0	200,0
Անասնաբուժական ծառայություն	300,0	0
Կոմունալ ծառայություն /աղբահանություն/	450,0	270,0
Երիտասարդական	876,0	335,0
Սոցիալական օգնություն	4000,0	2376,0
Ներկայացուցչական ծախսեր	1270,7	1270,7
Ապահովագրություն	26,0	26,0
Սուբսիդիա	850,0	121,0
Շենքերի և շինությունների կառուցում	3231,2	3231,2

Ձեկուցող

Համայնքի ղեկավար



Ա. Կամակոսյան